

—Herrialde aberatsek herrialde pobreen oihu eta garrasiak entzun daiezan, zabaldu daiezan muga-hesiak (fronterak), hareen kanpo-zorra ezabatu daien, eta mundu alkartuago baten alde lan egin daien, *egin daigun otoitz*.

—Otoitzean alkartu garanok, Jainkoaren ekimena onartuz, haren esanetara jarri gaitez, Mariaren erantzun berbera emonez, *egin daigun otoitz*.

† Gizakion zorionerako gure artan gizon agertu zaran Jainkoa: onartu daigula zure ekimena, geuk ere gure senideen zoriona bilatu ahal izan daigun. Jesu Kristo...

### Jaunartzerako

**Zatoz, Jauna, zatoz lurrera** zure herri hau salbatzera.

· *Bakea ta justizia bialdu mundura, Jauna;  
zure jaiotzak gugana bekar poza, zoriona.*

· *Okerretatik zuzendu, gaitz bideetatik aldendu,  
gure kateak apurtu (urratu), bide ilunak argitu.*

· *Gorroto-bideetatik aldendu gagizuz, Jauna;  
alkar parkatu dagigun emoiguzu maitasuna.*

### Amaieran

Ez gaitez gelditu axaleko beharризanei begira. Barrurago begituz, izan daigun Mariaren adimena, uste on osoa Jainkoagan izateko jarrita, eta, haren esanetara egonez, gure senideen zerbitzura bizi izan gaitez.

Gabonak zorionezkoak izan daitezala.

## ABENDUALDIKO IV. DOMEKEA "B"

### Sarrera oharra

Abenduaren azken txanpan sartu gara, senideok. Domeka honetako Liturgiak ekimena Jainkoarena dala iragarriko deusku. Onena litzateke, ba, Jainkoari adi egotea, eta ez horrenbeste geure amesak garatzen aha-legintzea. Adi egongo gara, ba, Dabid erregearen ametsari, baina baita Jainkoaganako Mariaren prestutasunari ere. Ondo etorri.

### Sarrera abestia

**ZATOZ, JAUN MAITALEA**

*Arantzazutik*

Za - toz, Jaun mai - ta - le - a, bi - zi - a - ren i - tu - rri - al Me -

si - as Jaun - goi - ko - a, za - toz, za - toz - Jau - na.

1. En - tzun - ei - zu gu - re - mi - na, bai o - toi - tza, bai

ne - ga - rra, en - tzun kris - ta - uen e - zi - na.

† Aitaren eta Semearen...

† Badatorren Jauna izan bedi zuekin.

### Damu-otoitza (Beherago, Abenduko Koroia)

Sarriegitan gura izaten dogu Jainkoak geure amesak gauzatu daizala; ez gara geu jarten haren esanetara. Egin deogun dei haren errukiari:

—Jesus Jauna, Jainkoaren esanetara zengozana, *erruki, Jauna*.

—Jesus Jauna, Jainkoaren nahia bilatzen eta gauzatzen zenduana, *Kristo, erruki*.

—Jesus Jauna, Mariaren baietzaren frutua zarana, *erruki, Jauna*.

## Abenduko koroia (egiten ez bada, gorago *damu-otoitza*)

Laugarren kandela hau bizterakoan, Jauna, zure esanetara Mariaren prestutasunez jartea eskatzen deusugu; gure gizarte honek gizakiaren zoriona dozula atsegin ezagutu daian.

(4. kandlea bizten dan bitartean, abestu:)

*J = 100*    *Abenduko koroia bedekatzear: Is 60,1*    *Udaia 97*

Ja - gi zai - tez, Je - ru - sa - lem, ba - da - tor zu - re ar - gi - a;  
hor do - zu ar - gi - tzen, su ta gar, Jau - na - ren ain - tza.  
En - tzun, e - ne he - rri, zu - re - tza - ko do - dan hi -  
E - ten lo - ka - rri - ak, ba - rri txa - rrak al - bo - ra -  
tza: as - ka - tu - ko zai - tut, poz - tu - ko deu - tsut bi - ho - tza.  
tuz, po - bre - tu guz - ti - ei zu - re bi - ho - tza za - bal - duz.

Itxaropenaren Jainkoak bere Semearen mahai ingurura ekarri gaitu. Egun baten aintzazko mahai ederrean alkartu gaizala, zorionaren betetasunean.

AMEN.

## 2 Sm 7, 1-5. 8b-12. 14a. 16

Ez dau gure handigurreak Jainkoa goraltzen; geu egiten gaitu handi haren guraria gauzatzeak.

## Sal 88, 2-3...

Jainkoaren maitasunaren barri hartzen dauanak ezin dau bizi izan haren barri emon barik; pozez beterik abesten dau.

*AB04B Ps 088*

Jau - na, zu - re mai - ta - su - na a - bes - tu - ko dot be - ti - ren be - ti.

## Erm 16, 25-27

Ba ete dago Jainkoa goraltzea baino gauza handiagorik? Jainkoa goraltzeak senidea errespetatzera eta goraltzera eroan geinkez.

## Ebanjelioa (Lk 1, 26-38)

Ederra, benetan, ebanjelio honek goraltzen dauan Mariaren erantzun apala. Egin deiogun harrerea, Aleluia abestuz, zutunik.

*ABENDUALDIRAKO*    *Aleluia: Urratu eizue (G.J. 8/41)*

R. A - le - lu - ia. A - le - lu - ia. A - le - lu - ia.  
VI. Ur - ra - tu ei - zu - e bi - de - a Jau - na - ren - tza, zu - zen - du ha - ren bi - dex -  
kak: e - ta i - ku - si - ko da - be guz - ti - ek Jaun - goi - ko - a - ren sal - ba - me - na.

## Herri-otoitza

† Gizakion ona eta zoriontasuna gura dauzan Jainkoaren aurrean jarri gaitezkan eskale, konfiantza osoz:

—Eleizearen alde: giza handigurreak baztartuz, pobre-en eta gauza ez diranen ondoan egonik iragarri daian Jainkoaren aukeratuak dirala, *egin daigun otoitz*.

—Izurrite edo Pandemia honen eraso-a sufritzen da-benek itxaropenik galdu ez daien eta bestean laguntza erakarri daien, *egin daigun otoitz*.